

**Joseba Felix Tobar** ▶ Ekonomialaria eta irakaslea

‘Krisiaren zergatiak eta irtenbideak’ izeneko hitzaldia emango du gaur, Zizurkilgo Atxulondo kultur etxearen, 19:00etan. Hona hemen krisiaren nondik norakoak ulertzeko hitzaldiaren aurrerapen bat.

# «Krisia ez da etorri, ekarri egin dute, baina badaude irtenbideak»

**Mikel Iraola** Zizurkil

Joseba Felix Tobar Arbulu (San-turtzi, 1945), EHuko irakasle eta ekonomialariak zazpi urte daramatza diruaren teoria modernoak eta krisi hau aztertzen. Bere esanetan, krisia ulertzea erraza omen da, baina...

#### ...Nola azalduko zeniokezerden krisia ulertzenez duen pertsona bat?

Bankuek diruarekin jolastu egin dutela da krisiaren funtsa. Zeukan-ten diruarekin, enpresetan inber-tiltu beharrean, espekulazioan aritu dira, eta ondoren, airea edo zaborra saldu dute.

#### Zer esan nahi duzu zaborra saltze-rekin?

Atzean baliorik ez zuten akzio, op-zio eta deribatuak erosia eta saltzen ibili dira bankulariak. Hori hipote-ka, aseguru eta airezko inbertsio fiktizioetan eman da. Modu horretan, irabazi gehiago lortuko zituz-tela uste izan zuten. Zenbaiten lortu zuten, baina amaieran bur-buila horrek eztanda egin du. Or-duan, laguntza eske joan ziren go-bernuerara, eta haien dirua enpre-sa eta pertsonai eman beharrean, bankuen artean banatu zuten.

#### Nola eta non hasi zen guztia?

AEBtako basketxe nagusiak hasi-ziren, Wall Streeten. Allan Grispen, urteetan Ipar Ameriketako banku zentraleko buru izan zenak bultzatu zuen sistema hori. Gauza ona balitz bezala saldu zuten eta herritarren konfiantza irabazi zu-ten. Europako basketxeek hori ikustean, gauza bera egitea pen-tsatu zuten.

#### Eta hain txarra baten, zergatik egin zuten aurrera?

Berme politiko, ekonomiko eta soziala izan dute une oro. Gobernuan, lobby moduan, edota enpre-setan aparteko boterea duten per-sonak dira bankulariak. Nonahi. Eta nahi dutena egiteko bidea erraztu zaie. Gainera, salmenta horien atzean mozkinak zeuden, eta horiek onak ziruditen gober-nuarentzat. Azkenean hori ez da horrela izan. Dena den, hasieratik zekiten zertan ari ziren.

#### Beraz, nahita egindutela diozu?

Bai. Krisia ez da etorri, ekarri egin dute. Hori da krisiaren ingu-

ruan zabaldu beharreko mezu na-gusienetako bat. Nahita bultzatu-tako krisia da, ez da historian ger-tatu diren gainontzeko krisiak be-zalakoa.

#### Eta inorezen ohartu hortaz?

Bai, baina harrigarria den mo-duan, inoiz ez da ezer gertatu. Grispenek berak, kargua utzi zue-nean esan zuen hanka sartu zuela. Randall, Stephanie Kelton edo Warren Mosler bezalako aditurek aspaldi esan zuten putzu handi ba-tean murgiltzera gindoazela. FBIk ere, bere garaian, hainbat senatari eta kongresuko kide ohartarazi zi-tuen horren inguruan. Berme politiko hori izan dutenez, Wall Stre-eteek nahi duena egin izan du beti. Eta egiten jarraitzen du.

#### Eta Europako bankuek?

Europaren bi multzo daude: alde batetik, estatu subiranoak, hau da, moneta propioa dutenak, eta eu-roaren barnean sartuta daudenak bestetik. Estatu subiranoetan, Britainia Handia, Suedia, Da-nimarka Islandia edo Norwegian, banku zentrala gobernuaren menpe dago, eta gobernuak era-bakitzentzu du nori, noiz eta nola eman dirua. AEBtan ere horrela da. Euroaren menpe dauden herrialdeetan, ordea, banku zentra-la independentea da, eta ahalme-na du moneta banatzeko. Ez dago gobernu edo parlamenturik hori kontrolatzeko.

#### Baina, diotenaren arabera, ez al du bida, Alemaniak agintzen?

Bai, Bundesbank dago atzean. Baita Finlandiako bankua ere. Eu-roa sortu eta beste herrialdeekin bat egitean, euren basketxean indartsuagoak zirela ikusi zuten, eta kontrola eazarri zuten. Hauak ba-naketa kontrolatzentzu dute, dirua nori, noiz, eta zein baldintza-pear eman. Horri esker aberasten ari dira, sekulako negozioa egin dute. Azken hogeitza urteetan eman duen aldaketa ikusi besterik ez dago. Azken finean, Eurogunea Ameri-ketako Estatu Batuen antzekoa da.

#### Zein zentzutan?

Estatu Batuetan banku zentrala gobernuaren menpe dago. Herrialdearen barneko estatu federa-lak, dolarraren erabiltzaile dira,

baina ez dute diruaren banaketan eskuhartzerik. Europan, banku zentrala independentea den arren, Alemaniak edo Bundesban-kek kontrolatzentzu gehienbat, eta gainontzeko herrialdeak, Ita-lia, Portugal edo Espania, adibi-dez, estatu federal horien gisara, euroaren erabiltzaile dira.

#### Nola egiten da diruaren banaketa?

Ordenagailuko teklatuaren bitar-tez, ez du misteriorik. Estatu subi-ranoek dirua behar dutenean, go-bernuari eskatu eta haien botoia sakatzen dute. Horregatik, AEBei ez zaie ezer kostatu ereskatea. Europan, ordea, Alemaniak kontrolatzentzu du. Dirua emateko bal-dintzak jartzen dituzte, hala nola, murriketak defizit publikoan (irakaskuntza, osasungintza, pen-tsioak...), eta austerritatea. Gaine-ra, interesak gehitzen dizkiete.

#### Zer gertatuko da neurri horiek ja-rraituz gero?

Pobretzen joango dira euroaren erabiltzaile izaera duten herrial-deak. Baita bertako herritarrak ere. Baina puntu batetaraino, soi-lik. Alemaniarrak ez dira ergelak. Ez dute Europa guztiz hankaz

#### «Herritarrok eman behar dugu krisiaren aukako lehen pausoia; guk geuk, edo inork ez»

#### «Badago dirua, eta gobernuen esku jarri beharko litzateke, ez bankuen esku»

#### «Austeritatean bizitzen jarraitzen badugu, ez dugu krisi honen amaiera ikusiko»

gora jarriko, haien ikusten dutene-raino soilik. Izan ere, ondoren eu-ren produktu eta zerbitzuak saldu behar dituzte, eta saldu ahal izate-ko, jendeak dirua izan behar du. Orain arte izuarekin jolasten aritu dira, eta oso ondo atera zaie. Jen-dea etsita dago.

#### Irtenbiderik ba al dago?

Bai, noski. Eta ez da buruaz beste egitearena, ez eta austerritatea



HITZA

murrizketa neurriak hartzearena. Langile eta ugazaben artean, akordioak sinatu behar dira, sol-data, mozkinak, produktibitatea, lan ordua... Politika fiskalak ere berraztertu behar dira bai. Baina batez ere, kapital industriala zaindu behar da, eta bertara bideratu behar da dirua, ez espekulaziora. Enpresa txikieei eta ertainei kredi-tuak eman behar zaizkie, baita zer-bitzu publikoei ere. Dirua badago, baina kontua da dirua behar den lekuetara iristea.

#### Eta non dago, bida, diru hori?

Bankuetan. Baina ez dago leku fi-siko batean, hau da, aktibo pasivo bat da. Estatu subiranoek eta ban-ku zentralek zabaltzen diete ban-kuei teklatuaren bidez, kostu han-dirik gabe. Gauza da, langabezia dagoenean, diru hori gobernueta-ra jaurti behar dutela, inoiz ez ban-kuetara. Ideia nagusiena da, go-bernuak enpresa publiko handi bi-lakatu behar duela, eta dirua

martxan jarri behar duela. Jende-ak dirua badu, zergak martxan jartzen dira, eta gobernuak mar-txan jarri duen diru hori berresku-ratu egiten du. Sektore pribatuak martxa ona duela ikusita, inberti-tu egingo du eta hobera joango da.

#### Beraz, bankuetatik dirua atera beharko genuke?

Eta zer lortzen da horrekin? Mone-ta bat gobernuak ematen dio ba-lioa, zerga bitartez. Banketxeeta-

tik dirua atera eta koltxoaren az-pian gordeko bagenu, diruaren ba-lio hori debaluatuko litzateke, eta etxeen izango genukeen diru horrek balioa galduko luke.

#### Orduna, nola eraman beharko litzateke aurrera aldaketa?

Zaharkituta dauden eskemak al-datu behar dira, izan ere, zer da sozialismoa XXI. mendean? Aspaldi-ko eskema eta mitoak lurperatu behar ditugu. Banketxeak sozial-tzeak ez du ezterako balio, gero haiei dirua ematen jarraitzen bida. Europaren errenta per capita-en araberako banaketa eskatu beharra dago, eta dirua gobernuetan jarri, ez bankuetan. Horretarako ez da zentimo bakar bat ere gas-tatu behar. Eta eskaera hori egiteko balentria izan behar dugu.

#### Nortzuk, herritarrek?

Bai. Guk eman behar dugu lehen pausoia. Guk geuk edo inork ez. Al-derdi, sindikatu edo ekonomilaritade batzuk ezin diegu itxaron.

#### Noiz arte iraungo du krisiak?

Jendeak dirurik ez duen bitarte-an, eta austerritatean bizitzen ja-rraituz gero, ez dugu krisi honen amaiera ikusiko. Baina badaude irtenbideak. Ezin dugu etsipenean erori. Horregatik eman behar dugu guk aurrerapausoa. Eta modu horretan, gure ekonomia martxan jartzea lortuko dugu. Eta zapaldu nahi bagaitzute, tankeak ekarri beharko dituzte.